

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po zahtjevu privrednog subjekta Remho Beteiligungs GmbH, Austrija

**Sarajevo,
novembar, 2013. godine**



Broj: 01-26-7-024-2-I/13
Sarajevo, 13. novembar 2013. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenja privrednog subjekta Remho Beteiligungs GmbH, Beč, Republika Austrija, zaprimljenog dana 16. oktobra 2013. godine pod brojem: 01-26-7-024-I/13, Konkurencijsko vijeće Bosne i Hercegovine na 71. (sedamdesetprvoj) sjednici održanoj dana 13. novembra 2013. godine, donijelo je

MIŠLJENJE

Privredni subjekt Remho Beteiligungs GmbH, Alserbachstrabe 14-16, Palais Liechtenstein, A-1090 Beč, Republika Austrija (u daljem tekstu: Remho ili Podnosilac zahtjeva), je putem advokatice Nedžide Salihović, Fra Anđela Zvizdića 1/X, 71 000 Sarajevo, podnio Konkurencijskom vijeću Bosne i Hercegovine (u daljem tekstu: Konkurencijsko vijeće), Zahtjev za davanje mišljenja u vezi postojanja obaveze podnošenja prijave koncentracije (u daljem tekstu: Zahtjev), zaprimljen dana 16. oktobra 2013. godine pod brojem: 01-26-7-024-I/13, a dopunjen dana 18. oktobra 2013. godine podneskom broj: 01-26-7-024-1-I/13.

Privredni subjekt Ring International Holding AG, Alserbachstrabe 14-16, Palais Liechtenstein, A-1090 Beč, Republika Austrija (u daljem tekstu: Ring) namjerava, putem svog povezanog društva Remho kupovinom steći kontrolu nad privrednim subjektom Helios Domžale, d.d., Količevo 2, 1230 Domžale, Republika Slovenija (u daljem tekstu: Helios) kupovinom (..)** %¹dionica.

U Zahtjevu se navodi:

- da privredni subjekt Ring ima (..)** % vlasničkih udjela u privrednom subjektu Remho;
- da privredni subjekt Ring, putem svog povezanog privrednog subjekta Remho i drugih povezanih privrednih subjekta, učestvuje na tržištu proizvodnje kancelarijskog materijala i industrijskih boja i lakova;
- da privredni subjekt Ring nema povezanih privrednih subjekta u Bosni i Hercegovini;
- da je ukupan godišnji prihod privrednog subjekta Ring, ostvaren prodajom roba i/ili usluga na svjetskom tržištu u 2012. godini, iznosio (..)**KM ((..)** EURA), a ukupan godišnji prihod na tržištu Bosne i Hercegovine je iznosio (..)** KM ((..)** EURA);
- da je privredni subjekt Helios aktivan u oblasti proizvodnje premaza, lakova i tinte za štampu i maloprodaje boja, lakova, ljepila za široku primjenu te drugih hemijskih supstanci;
- da privredni subjekt Helios u Bosni i Hercegovini ima tri povezana privredna subjekta:
 - Helakor d.o.o. Tuzla, u kojem ima (..)** % vlasničkog udjela;
 - Helkos boje i lakovi d.o.o. Sarajevo, u kojem ima (..)** % vlasničkog udjela;
 - HG Trade BH d.o.o. Čapljina, u kojem ima (..)** % vlasničkog udjela.

¹ (..)** - podaci predstavljaju poslovnu tajnu, u smislu člana 38. Zakona o konkurenciji

- da je ukupan godišnji prihod privrednog subjekta Helios ostvaren prodajom roba i/ili usluga na svjetskom tržištu u 2012. godini, iznosio (..)** KM ((..)** EURA), a da je ukupan godišnji prihod ostvaren na tržištu Bosne i Hercegovine iznosio (..)** KM ((..)** EURA);
- da je relevantno tržište predmetne koncentracije tržište premaza (boja, lakova i sličnih proizvoda) u Bosni i Hercegovini, te da je na tom tržištu godišnji promet oko (..)** kg, i da je tržišni udio privrednog subjekta Ring oko (..)** % (ili (..)** kg), a tržišni udio privrednog subjekta Helios oko (..)** % (ili (..)** kg);
- da je navedeno tržište moguće podijeliti i na dva uža - tržište dekorativnih (arhitektonskih) premaza i tržište industrijskih premaza, a da je na tržištu dekorativnih (arhitektonskih) premaza ukupan godišnji promet oko (..)** kg, i da privredni subjekt Helios ima tržišni udjel oko (..)** % ((..)** kg), a privredni subjekt Ring nema tržišnog udjela, dok je na tržištu industrijskih premaza godišnji promet oko (..)** kg, i da privredni subjekt Ring ima tržišni udio oko (..)** % (ili (..)** kg), a privredni subjekt Helios ima oko (..)** % (ili (..)** kg).

Podnosilac zahtjeva, u skladu sa navedenim podacima, traži mišljenje od Konkurencijskog vijeća u vezi postojanja obaveze podnošenja prijave koncentracije.

S tim u vezi, Konkurencijski savjet navodi da je članom 12. stav (1) Zakona o konkurenciji propisano šta se smatra koncentracijom i to:

- a) spajanje ili pripajanje nezavisnih privrednih subjekta ili dijelova privrednih subjekta;
- b) sticanje kontrole ili prevladavajućeg uticaja jednog, odnosno više privrednih subjekta nad drugim, odnosno nad više drugih privrednih subjekta ili dijelom drugog privrednog subjekta, odnosno dijelovima drugih privrednih subjekta, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekta i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekta, koji djeluju kao nezavisan privredni subjekt.

Članom 14. stav (1) Zakona o konkurenciji propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Članom 2. Odluke o načinu podnošenja prijave i kriterija za ocjenu koncentracija privrednih subjekta („Službeni glasnik BiH“, broj 34/10) propisano je da su namjeravanu koncentraciju iz člana 12. Zakona o konkurenciji, učesnici koncentracije obavezni prijaviti i to:

- a) Privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. stav (1) tačke a) i b) Zakona o konkurenciji, i

b) Privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona o konkurenciji.

Podnosilac zahtjeva je dužan prijaviti koncentraciju ukoliko ista ispunjava uslove definisane u članu 12. Zakona o konkurenciji, i ako učesnici koncentracije ispunjavaju uslove iz člana 14. stav (1) tačke a) i b) istog Zakona.

Predsjednik

Gordan Raspudić